



## Universitätsbibliothek Paderborn

### **Thesavrvs Casvum Conscientiæ**

Continens Praxim exactissimam De Censvris Ecclesiasticis, Aliisque Poenis, & Canonicis impedimentis, in Septem Libros distributus ...

Decisiones Casvum Conscientiæ Ex Doctrina Consiliorvm Martini Ab Azpilcveta Doctoris Nauarri collectæ, & iuxta librorum iuris Canonici dispositionem in suos Titulos distributæ

**Sayer, Gregory**

**Venetiis, 1627**

31 Dispensandi facultas generaliter concessa, excepto homicidio voluntario, & bigamia, non extenditur ad irregularitatem prouenientem ex homicidio iusto, seu mutilatione.

**urn:nbn:de:hbz:466:1-13903**

DECISIO XXXVI

Ex conf. 27. alias 27. x3

25 **M**andans alicui, vt alicquem baculo percussit t cetera mor- tem, ea secuta est irregularis ex homicidio; non tamen irregularitate indispensabili, vt colligitur ex Conc. Trident. sess. 14. c. 7. de refor. & Nauar. in Manu. c. 27. nu. 140.

DECISIO XXXVII

Ex conf. 28. deest in Nouis.

26 **P**ercutens leniter ense in capite, etiam sine intentione occidendi, morte secuta, irregularis ex homicidio voluntario indispensabili efficitur, saltem in foro exteriori; ita Concil. Trident. sess. 14. c. 7. de ref. & vix excusari potest etiam in foro interiori.

DECISIO XXXVIII

Ex conf. 29. 30. alias 21. 34.

27 **P**ublicans alicuius delictum, in quo publicando peccat, & alter ob eius dictum comprehenditur, & occiditur, irregularis est. Argum. c. presbyterum. de homic. & ait Nauar. in Man. c. 15. nu. 6. & c. 27. num. 214 & 219. cum ex omni homicidio illicito, quod sequitur ex actu illicito sua natura, lege, vel consuetudine, circumstantijs consideratis, expressè, vel virtualiter ad illud directo, irregularitas contrahatur.

DECISIO XXXIX

Ex conf. 31. alias 28.

28 **R**omittens defendere alium, qui se baculo vindicare intendens iniuriantem occidit, irregularis efficitur irregularitate illaque, quae casualis, & dispensabilis est, non autem illa, quae ex homicidio voluntario, & indispensabili nascitur, vt ait Nauar. in Man. c. 27. num. 219. & 239.

DECISIO XL

Ex conf. 32. alias 24.

29 **B**ono animo ense euaginatam in manu tenens sine violentia alia laesione, si alius in rixa percussus a fratre suo grauior, ex illa percussione postea moritur irregularis non est in foro interiori, aut exteriori; ex Nauar. in Man. c. 27. nu. 230 cum ipse nec alium occidit, nec fratrem suum occidentem iuuu nec, vt occideret, mandauit, consuluit, aut causa proxima eum occidendi, aut percutiendi fuit.

DECISIO XLI

Ex conf. 33. alias 32.

30 **O**ccidens inuasorem, etiam cum moderamine inculpatae tutelae, irregularis est, si inuasio eius ex actu illicito ipsius inuasii precedente procedat; ita Nauar. in Man. ca. 15. nu. 7. cum ad irregularitatem vitandam non satis sit, quod occidens inculpatae tutelae moderamen seruet eo tempore, quo inuasus occidit, si ipsemet inuasione causa extiterit.

DECISIO XLII

Ex conf. 34. alias 39.

31 **H**abens potestatem dispensandi super omni irregularitate, excepta illa, quae ex Bigamia, vel homicidio voluntario nascitur; super irregularitate contracta ex homicidio iusto, voluntarie facta in bello iusto, cum armis, vel in pace condemnando iuste aliquem ad mortem; vel iustam condemnationem exequendo, vel proximum defendendo, vel quouis alio iusto modo, dispensare non potest, ex Nauar. in Man. c. 27. num. 217. & 240. vnde nec in huiusmodi dispensare valet Episcopus; cum per Concilium Tridentinum, sess. 24. c. 6. de refor. illis tantum data sit dispensandi potestas super irregularitate ex delicto occulto deicententis, qualis non est illa, quae ex homicidio iusto prouenit.

DECISIO XXXII

Ex conf. 35. alias 44.

32 **I**udex, qui postquam hominem ad mortem damnauit, & post sententiae executionem non aduertens se irregularem esse primam tonsuram accipit, peccat cum id scire teneatur, & dispensatione indiget, vt praedicti ordinis priuilegijs gaudeat, aut alios ordines suscipiat, cum sit irregularis; Primam tamen tonsuram sumendo, excommunicationem, suspensionem, aut aliam irregularitatem non incurrit, Argum. ca. vel non est. de temp. ord. quamuis ratione praefatae irregularitatis ad pensionis, & beneficia etiam simplicia sit inhabilis; donec dispensationem a Papa obtineat; vnde beneficia, vel pensiones post irregularitatem talem, non habita dispensatione, obtentas relinquere tenetur, antea tamen quaesitas per illam non perdit, ita Innoc. in c. c. non sitis. de concess. preb.

DECISIO XXXIII

Ex conf. 36. alias 11.

33 **P**resbyter iniurijs, & malis ab alio affectus, apparitores ad eum insequendum, & custodiendum hortans, & rogans, si alter, ne in potestatem apparitorum veniat, mortem ipsi sibi infert, irregularis non est, cap. Significasti. 2. de homic. cum presbyter ille huius mortis nullo modo causa sit, nisi valde remota, & insufficientis quae irregularitatem non parit; Glo. in cap. de caetero. tit. cod. praesertim cum hic, neque illum occiderit, neque consuluit, neque mandauit, nec alicui alteri, qui eum occideret, opem attulerit, & irregularitas propter homicidium non contrahitur nisi ab eo, qui aliquid horum fecerit, cap. sententiam. Nec clerici, vel monachi, sed praeterea actus, quos presbyter fecit, liciti erant; quamuis enim illicitum sit petere, vt reus criminaliter puniatur, illicitum tamen non est presbytero malefactorem suum insequi, nec procurare, vt capiatur; cap. significasti. 2. de homicid. immo nec indicare iudici esse sibi paratas invidias; cap. de occidendis, 23. q. 5. ca. Maximinianus, 23. q. 3. & proinde nulla de causa talis presbyter irregularis est censendus.

DECISIO XXXIV

Ex conf. 37. alias 18.

34 **T**estis, cuius dictum non est causa sententiae mortis alterius, aut accelerationis eiusdem, irregularitatem non incurrit; secus autem si propter eius testimonium suspensus quis sit, aut saltem citius, quam alias fuisset, ita Nauar. in Man. cap. 27. num. 211.

DECISIO XXXV

Ex conf. 38. alias 16.

35 **E**piscopus iurisdictionem criminalem habens, & Secretario suo iubens, vt deserat literas quasdam, quas ipse ad quandam commissarium scripsit, in quibus: ipsi commissario iubetur, vt sententia mortis, quam contra quemdam tulerat, mane diei sequentis executioni mandaretur, secuta morte, tam ipse Episcopus, quam eius Secretarius sunt irregulares; ita Ioan. And. in c. episcopus ne clerici, vel monachi. in 6. & ca. praelatis. de homic. in 6. cum aliud sit committere generaliter iurisdictionem criminalem, quod sine irregularitate fieri potest; aliud dicere commissario, qui iam reum morti condemnauit, vt eum occidat, quod sine irregularitate fieri nequit; Sicut clerico hortari licet milites praebatos generaliter ad victoriam consequendam; c. signum. 3. q. 8. non tamen licet hortari vnum, vel plures milites specialiter ad occidendum; & maxime illum, vel illum particularem, ita Innoc. in c. pen. de hom. & Nauar. in Man. c. 27. num. 211.

DECISIO XXXVI

Ex conf. 1. in Nouis, deest in antiq.

36 **S**icut nemo seipsum absque peccato mortali occidere potest, cap. si non licet. 23. q. 2. ita nec absque simili peccato consentire quis potest, vt alius eum occidat, quando aliter ipsum non consentientem non occideret; vnde nec praegnaus